

摛藻堂四庫全書薈要

集部

欽定四庫全書叢要

集部

御選明詩卷五十六

詳校官原任主事
臣李斯咏



欽定四庫全書會要卷一萬八千五百五十六

集部

御選明詩卷五十六

五言律詩七

張治道

聞雁

何事天南雁春來又北飛為憂霜雪苦轉見羽毛稀江漢慙余阻瀟湘笑汝違雲霄蹤跡異空有淚沾衣

與薛君采夜話

入夜杯仍把論交淚暗揮醉憐山月上愁對海雲飛江
漢三年阻風塵萬事非故鄉南北遠猶恨不同歸

舒芬

東流遇雨

歲晏東流縣江雲黯寂寥雨滋帆葉重風急浪花飄鴻
雁飛何遠蛟龍舞更騎客懷何處遣隔岸酒旗招

崔桐

玉虛山行

是處瑤宮敞隨山羽客棲雲根
百里路木杪萬重梯人語鳴虛壑雞聲報隔溪桃源知不遠
欲往路仍迷

夏言

侍上奉聖母觀九龍池

駐蹕靈湫上依巖帳殿開雨從龍洞作雲擁鳳輿來玉竇春鳴溜金潭晝殷雷翠華清樾下天語賜徘徊

秋日同李序菴顧未齋張亭溪飲鄭氏莊

雨後沙全濕風前竹半斜野橋通細水秋圃映餘花出

郭悲塵鞅臨池憶釣槎清歌且終日應不問年華

夜泊吳江

月岸秋燈滅風湖夕浪翻橋連楓葉冷城帶水雲昏把
燭延津吏停舟次驛門漁歌起何處瀟灑數家村

漢川道中

晚市浮煙斂春州曲水連遙燈林表亂圓月浪中偏犬
吠經村店蛙鳴逼稻田夜行三十里野興得蕭然

次薛西原

背郭茅齋僻沿堤竹逕斜杖藜逢野客酌酒共山家暖日熏芳草寒流漾淺沙江村二三月歲歲足鶯花

許宗魯

零陵西亭同朱大參袁楊僉憲材賦

入洞探幽蹟登臺散遠心雷聲帶雨重虹影射江深地接三苗國天低八桂林來遊陪二妙詞賦總南金

遼左雪中登樓

歲杪崇朝雪天涯絕塞城凍雲連海色枯木助風聲懷

土情無已登樓賦未成梅花南國思笛裏暮愁生

三月三日作

上已今朝是風光異往時海雲成雪易塞柳得春遲
目極關山道情懸曲水詩誰能修禊飲一椀望鄉思

東岳

秩祀嚴東土明禋冠五宗金函神鬼錄玉簡帝王封海
湧中宵日巖留上古松何時凌巒峯飛舉跨蒼龍

晚渡黃河

落日西山暗洪河夏漲餘昏黃沈翠洛浩渺極梁徐鼓
聽臨流驛燈看遠岸漁頻年在行役倚棹一長吁

西苑

畫閣橫青漢彫臺俯碧流苑雲低度雨宮樹早生秋水
抱芙蓉殿山連翡翠樓何須浮海外即此見瀛洲

徐氏南莊秋集

九月重逢閨一年秋未殘城南時載酒樓上復憑闌黃
菊霜前放青山雨外看病軀猶自可不畏倚高寒

立秋日曲江別業作

垂柳晝陰陰村居門巷深秋光來此日時序感吾心水
鳥浮沈浴風蟬斷續吟江皋餘暑在竹下且披襟

胡侍

宴王御史惟人山亭

別館秋城側高亭夕霧中疎簾通野色曲磴裏天風醉
舞招松鶴悲吟和草蟲平生習池興遮莫笑山翁

九日同陳魯南文徵仲劉希隱薛君采登海印

寺鏡光閣

湖景澄珠閣雲虹度石梁行攀雙樹杪坐對九華觴水抱香城入山橫紫禁長憑高不厭晚待月詠胡牀

送劉德徵守夔府

國有蠶叢古城聞白帝雄龍蛇夏禹廟雲雨楚王宮羽檄通南徼樓船進北風還令蜀父老喜得漢文翁

陳文沛

懷遠堡和韻

峭壁樓危石徒杠漫遠沙河流隨溜曲樹影逐風斜客
枕移更鼓鄉愁起暮笳官齋何寂寞鄰舍兩三家

吳仲

送吳舍人使中州

茅土分封重天書十道開浮槎乘月渡飛鳥倚天迴南
國王孫草西園驛使梅荆溪何處是遙在白雲隈

李士允

晚過劉中丞園

暝色延春徑煙光啓夜闌綠深裴相野香滿白公山銀
燭回花底金壺侍竹間不妨山簡馬乘醉月中還

秋日與施生言別

斗酒一為別攜琴何處歸雨催花早放人與雁同飛節
序侵吹帽風霜未授衣離人如落葉日見故林稀

曹嘉

聞雁

連翩升紫塞嘹嚦過秋城帛染傳書淚砧催搗練聲雲

深飛總近風細落還輕此夜高樓笛懷人幾度橫

王廷陳

溪邊晚興

萬井皆秋色千巖盡落暉谷喧鄰牧散溪響夕漁歸初
月懸楓岸餘霞戀竹扉坐來憐夜永霜露入人衣

春盡

春盡人將老庭閑晷獨遲絮飄蕪鶴毳花落罥蜘蛛絲石
溜依翠瀉雲陰入戶移幽懷偏水竹晚步故臨池

聞第二首

楚館名娃出秦箏，逸響傳徘徊。芳樹側掩映，雜花前雁促。
玫瑰柱鶯喧錦繡筵，年來哀怨切。復此感繁絃。

花月可憐春房櫳，映玉人思繁纖。指亂愁劇翠蛾顰，授色歌頻變。
留賓態轉新曲終，仍自敘家世。本西秦。

春日山居即事

草動三江色，林占萬壑晴。籬邊春水至，簷際暖雲生。
犬迎船吠鄰，雞上樹鳴鹿。門何必去此，地可躬耕。

閒步

卜築蒼巖畔為園碧天涯浴童依淺瀨浣女散晴沙中
散林惟竹東陵圃是瓜村頭歸欲暮巾服映殘霞

江上言懷

野濶風雲入天迴楚蜀通渚禽多白鷺巖樹半青楓哀
怨湘君曲平成夏后功晚來懷古意極目送冥鴻

平野蒼煙合高城白鳥過澤蘭懷楚客石竹隱湘娥谷
響歸樵唱江鳴發棹歌夕陽葭菼外將奈暮愁何

楚眺

眺迥臨高閣三湘萬里餘草邊雲夢獵花下武陵漁白
日山川氣清秋水竹居仙蹤同霸業消歇總愁予

李汎陽自大梁經裕州因贈

雪夜梁王宴霜秋宋玉愁回瞻嵩嶽峙去逐楚江流少
室三花樹滄浪一葉舟南行正搖落知爾憶林丘

張子魚過訪

故人天上至清宴夜深開澤畔微芳度江臯暝色迴楓

林停翠憶月岸擁金罍正苦歡娛逼無令候吏催

宴魏子園亭

池館名江國賓朋實楚材屏間煙霧濕鏡裏芰荷開鶴
以吹笙下魚因鼓瑟來邀歡須秉燭歌妓莫頻催

山莊雜興

老夫諳稼穡次第葺園廬對酒唯田父呼門絕里胥桑
麻經雨後花竹宛秦餘如此生涯足何勞薦子虛

事去心逾壯年來迹轉孤濯纓臨漢沔安枕荷黃虞春

澗偏魚鳥秋窓近竹梧出逢鄰叟飲醉倩野童扶

江暉

謝政志喜

雲戶焚魚珮煙汀放鷁舟寂寥傷白石浩蕩想丹丘挂
席牽風穩垂竿颺月流故園松竹在聊得慰窮愁

馬汝驥

遊安花寺

懸刹俯山河飛梯繞薜蘿乍寒黃鳥澀向晚白雲多四

壁開經藏三天落梵歌淨心窺浩劫蒼蘚奈碑何

飲城南水亭

天上開朱檻城隅進綠船移尊臨水竹繞坐落風蓮北
海晴窓映西山晚鏡懸漁歌聞隔港歸弄月嬋娟

劉士奇

秋夜旅懷

為客方如晉還家復入秦音書徒屬望燈火自相親草
色連朝改砧聲向晚頻那堪千里外猶有未歸人

王謳

夜坐書懷柬劉伯敘

一官彌歲月為客久京華道路愁長塞田園憶故家沈
雲風散角樓雪夜驚鴉身愧虞翻老疎狂祇自嗟

秋夜聞雁

最苦思鄉淚今宵為汝多秋陰連海嶽歸路識星河未
信銜蘆葉真能捍網羅楚雲一萬里故渚擬須過

王鳳靈

次梁學泉吏部徐州舟中夜酌之作

石仄江逾勁峯迴日易斜歸鴻迷極浦飛鷺落平沙越
客同杯酒春光正柳花相看仍意氣行路莫深嗟

許相卿

晚晴

苦雨連旬日初晴一振衣殘雲依海嶠新水到柴扉僻
性嫌山淺塵緣與世違斜陽疎樹裏清影日邊歸

朱豹

送顧經歷之福建

京華倦羈旅憂思喜南天煙柳山頭驛春溪樹杪船官
清蓮幕靜地暖荔支鮮況值干戈少詩篇紀歲年

李鳴鶴

山居

石洞幽迴處深林下鹿羣溪喧前夜雨鳥語半山雲樹
暗聞嵐氣巖明見溜文藤花照潭水風自共紛紛

石壁月初上春山風乍晴偶隨黃犧出閒傍綠溪行幽

鳥淡無語落花如有聲迴看飛瀑下樹杪白雲生

袁淮

秋夜宿堠馬驛寄舍弟渙

月騎停沙浦風林出驛樓青燈萬里客玉露九霄秋失
路添星鬢還家滯驛舟未成春草夢徒有越鄉愁

廖世昭

定光塔登高

寶塔層層上危欄面面開秋城圍野曲遠水接天迴日

射珠光迥風迎鐸響哀長安知萬里目斷朔雲堆

張治

萬壽節朝天宮習儀

看佩移宵燭聞鐘候曉雞鼓嚴千隊肅嵩祝萬聲齊鳳
吹隨金仗龍宮隱玉題回看天壯極香案五雲西

清溪阻雨

客愁已若此況聽雨聲多潮氣連滄海江光湧白波暝
雲低野渡濕鳥掠船過咫尺齊山色蕭蕭鎖薜蘿

秋日登城樓用南田韻

城臨孤壁迴樓出萬峯開域勢衝天濶江形抱楚迴野
風吹日落霜雁切雲哀直北長安道憑軒首獨回

草市廟

登臨猶不倦倚杖更山扉舊壁龍蛇落空堂蝙蝠飛雲
香流別澗樹影動深磯便欲招仙侶青天振羽衣

秋郭小寺

短髮行秋郭塵沙記舊禪長天依片鳥遠樹入孤煙野

曠寒沙外江聲細雨前馬蹄憐草色藤月自娟娟

同楊後江黃希齋趙洪洋陸雙石迎祥寺分韻

得溪字

郭外逢僧寺林深野路迷捫蘿凌石磴隨柳過清溪花
梵聞經語松風聽鳥啼向來幽僻意欲就白雲棲

江暮

薄暮回江舸輕風滿柁樓水空天上下波動月沈浮鷺
宿洲逾靜鐘鳴寺轉幽漁燈依近浦明滅向沙頭

放舟

野水孤舟動春帆江色開煙花迎纓出沙鳥傍人來雲
白唐朝寺山青玉女臺乾坤意無限隨意葛巾頽

李默

秋夜泊下邳值雨

濁河元楚塞古驛自秦城旅泊河山異飄零風雨生波
濤喧獨枕鐘鼓暗深更秋事方蕭索應知歲晏情

黃佐

雨

膚寸雲初起彌天雨正狂魚龍空窟宅草木各輝光爽
氣連南紀愁陰接上方故山青赤了歸夢此宵長

對月

江月初成鏡山城獨倚樓徘徊如伴客浩蕩更隨舟陌
上清光滿樽前爛漫遊豈知離別後對爾轉添愁

彌羅閣秋望與馬子仲房

羽觀臨霄漢飈臺出薜蘿霞觴延客久琪樹受涼多日

色隱平楚秋聲連大河君看愜幽意吾醉即狂歌

何棟

玉泉

鬼斧何年鑿仙源此日看濺珠翻石溜拂鏡漾晴瀾鸚
鵡春塘淨雲霞夕影寒分流入內苑故作九龍盤

登真覺寺浮圖

凌空垂寶塔披霧出銅盤影照青蓮色光寒白露團霞
標窺日近風動洩雲寒靜坐觀空界天花遶石壇

張袞

奉和順之陽溪別業之作

千峰羅杖底選勝武夷旁夜雨蘿蕪徑春風薜荔牆鑿渠分海色種竹隱嵐光會發王猷興籃輿就辟疆

王同祖

涿鹿遇杜道士

晚渡桑乾水西風匹馬過寒城歸鳥急古道夕陽多邂逅班荆地蕭條伐木歌憇憇更南北回首意如何

楊言

行舟次朱雲巖

迢迢山嶂月寂寂雁汀秋百丈牽三老千峯送一舟
猿相叫嘯祭獺互沈浮不是巫山路空餘楚客愁

田頃

寄王谿舅

廉水扶桑北石城勾漏西吏情甘散地春色在扶藜榔
葉斜侵屋江魚逆上溪飄飄犯蠻府淚應暮猿啼

吳檄

春目

黃鳥鳴高樹春聲滿鳳城憐予長作客聞此倍含情何處步芳草出門逢友生東風隨杖屢追晚山晴

陳大濩

十五夜舟中對月

水國人初靜江村月漸高九天開霽色百里見秋毫興已懷鱸鰈官猶滯馬曹孤舟對清夜湖海思滔滔

張舍

離夕有贈

仙子武林溪春深歸路迷翠翹迎露濕羅袖避風啼留
珮花籠玉分釵月印犀金杯延落日酒醒各東西

南浦盈盈淚東風小小年迴鐙窈窕夜分鏡汎寥天銷
骨驚花箭離腸泥酒船可憐明月子依舊影娟娟

汪本

溪行呈元之族祖

雨濯山光潤風吹溪響清有懷成遠詠無伴趣幽行野
草不媚世沙鷗寧近名歸來卧松石新月西林生

旅邸迷懷

歲月秋將晚風塵鬢欲華孤雲天外影寒菊夢中花濁
酒賒難得滄洲興未涯何當返初服歸駕鹿門車

王希旦

僧院訪蔡可泉荅莊石山來韻

我欲重來此君能幾日留居然人外境已似故鄉秋別

院幽芳雜諸天色界浮都無簪組意猶自問歸不

桂華

丙子重過石上

五載今重至人閑地亦幽坐深松月夜吟苦竹橋秋問
宅憐曾舍尋山憶昔遊主人無限意翻恐僕夫愁

董穀

金山寺

孤絕江心寺煙波接渺茫浪花浮石磴帆影落僧牀金

碧輝天界歌鐘起下方月明潮落後倚檻聽鳴榔

方邦望

春日別洪子

枝上曉鶯飛江亭春未稀輕舟移浦澈別酒惜芳菲風急寒潮響天長遠岫微此時頻徙倚空憶謝玄暉

文徵明

夜坐

溽暑夜不寐涼風初解圍起看星漢動坐久語音稀殘

月耿猶在流螢忽自飛一聲何處鶴露下欲沾衣

石湖作

落日淡煙消平湖碧玉搖秋生茶磨嶼人在越城橋樹色晴洲斷鐘聲古寺遙西風吹短鬢還上木蘭橈

追和錢舜舉山居圖

翠深山帶屋綠淨水通門泉石情還重丘園道自尊種
沙添野色留竹護籬根樂事惟心會休蓬俗子論

飲酒

晚得酒中趣三杯時暢然難忘是花下何物勝尊前世
事有千變人生誰百年唯應騎馬客輸我甕頭眠

四月

春雨綠陰肥雨晴春亦歸花殘鶯獨囀草長燕交飛香
篋青繒扇筠憲白葛衣拋書尋午枕新暖夢依微

蔡羽

野興

落日愛人影鳥鳴山谷長逢僧溪上月飲客竹間牀得

雨瓜先落迎霜橘早香開門三萬頃隨意飲滄浪

春去

謾說春歸去多情無計追勝遊須秉燭餘興獨臨池鳥
怨花飛急杯嫌月到遲三眠楊柳足正是浴蠶時

曉起

竹色衣全綠林光露未晞隴猿催夢曉塞月墮煙微別
恨琴中語流年客裏歸悠悠花上蝶偏作合歡飛

懷履約

載酒尋蕭寺風煙古越城竹房穿月冷葛屨照霜清溪
上叮寧別歌中慷慨情如余空自老念子早峥嵘

積晦

積晦衾常薄初暄花亦希蛟潭生潤氣汀樹挂寒輝倚
杖白鷗起罷琴黃葉飛柴門臨磽道蹤跡太幽微

暮春山居

斜廊下塔影半嶺送湖光紅霧花藏島寒泉竹隱房空
虛時蔭翠寂寞自生香客過蒼苔合翻經日漸長

張膳郎席上

官舍迴深巷頻來識苑牆緩吟春草秀靜語晚卮香沙柳初藏鵲溪雲復滿堂官橋紅燭散驚動宿鴛鴦

齋宿

驛使催乾鵠齋居廢曉眠霜籠官道月木罩故宮煙朱邸聞雞早銀潢度馬堅天河光未滅正挂玉樓前

闕下咏雪

寒光逼四隅瑞氣滿皇都素女開金鏡遊人在玉壺蓬

乘駕白鳳湯殿浴霜鳬別有藏香室紅煙下碧衢

春日徐氏東園

入洞多門戶乘高野望饒花欄依曲磴潭水接流潮院
院遊難盡鶯鶯聽轉嬌屏間有弦管待月輒通宵

徐霖

除夕禁直書事

夜色浮宮殿星河耿不昏御香飄十里銀燭照千門祇
覺天顏近俄承詔語溫徧書春帖子知是沐殊恩

謝承舉

晚雨

枕簟渾無暑園林早占秋荷風晚池靜槐雨夜堂幽藥
裏休頻檢書籤散不收虬髯先著雪今已漸侵頭

白苧辭新服黃紬理舊衾月華雲掩鏡簷溜雨鳴琴花
片渠流急苔錢石繡深閉門淹病嬾誰肯為招尋

春讌次徐子仁韻

金屋人堪貯銀燈客競豪舞輕簾外柳歌掩扇中桃雨

漏春聲緩霜弦夜調高深杯拚達曙明日是花朝

白兔

夜月絲千縷秋風雪一團神遊蒼玉闕身在爛銀盤露
下仙芝濕香生月桂寒姮娥如可問欲乞萬年丹

泊新塗

水帶孤村遠山環野寺深漁樵爭晚渡鐘磬出秋林燈
火鄉人語風霜去客心含情望東北斗柄夜江沈

蘭若晝寢夢接劉與之施以德任仲修言笑

去子無千里旅程南北分江船揚子水人面蔣山雲雙
鯉投空札孤鴻念故羣離懷欣有慰夢裏得殷勤

金鑾

立秋日呈一二知己

久雨銷長夏涼風生早秋野航如市集江水入城流迂
闊從人笑艱難豈自謀違時況多病寂寞戀交遊

子房山

報主元非漢封侯豈為留早求滄海士晚伴赤松遊故

國山猶在黃河水自流王孫歸去好春草徧芳洲

崇明寺荅木雲禪師

野寺臨晴晝園花照暮春夕陽千樹繞芳草一江鄰有
客來何處逢人寄此身遠公能好事頭白更相親

泊淮上

愁輕遊冶興老重別離情野戍寒更盡河橋春水生斷
雲疎雁影殘月亂雞聲明發應千里蕭蕭過楚城

柳堤

春江水正平密樹聽啼鶯十里籠晴苑千條鎖故營雨
香飛燕促風暖落花輕更欲勞攀折年年還自生

漂母祠

古渡臨祠廟長淮接市門旌旗搖白日風雨鎖黃昏貧
賤求知己榮華少故恩湖邊逢牧豎猶自說王孫

邢參

懷吳奕嗣業

共泛荒溪際息息兩月來薰風老首蓿霖雨熟楊梅裏

茗尋僧試看花許客陪遙知明月夜獨棹酒船回

王寵

聽琵琶

紫塞傳龍撥崑丘學鳳鳴春風吹白雪總是斷腸聲
司馬千行淚明妃萬里情當懷愁未已天末海雲橫

張詩

過抑齋先生

偶過維摩宅悠然南郭睡閉門芳草合入室白雲移塵

俗了不染道心閒自怡焚香素饌罷斜日下花枝

送呂思抑募兵

六郡募奇兵三韓列漢營甲光開絕塞海氣動高旌楊柳關山月梅花雨雪情引弓十萬衆不敢復橫行

鄭作

除夕

除夕愁難破還家夢愈頻十年江海客孤館別離人殘漏聽還盡寒燈坐愈親梅花滿南國誰寄一枝春

有感

越客居梁久為歌尚越聲祗緣秋夜苦長繫故鄉情三
徑黃花暗孤燈白髮明憂來獨凭檻鴻雁正南征

程誥

送友人遊沛中

傾蓋即相知逢君自恨遲丘園遽為別弧矢獨何之雲
指真人氣風歌猛士詞荒臺如更上莫及暮秋時

登北固山

松林度幽僻蘿磴轉孱顏眺望堪千里東南有此山江
流包楚徼地勢控吳關萬古登臨意風檣不暫閑

白沙逢余子陳却送之金陵

新詩滿行素相見未遑論趁月浮江舸乘潮入郭門聽
歌桃葉渡問酒杏花村羨爾遙乘興無由共舉樽

峽夕

楚塞連三峽巴雲暗五溪鄉心春雁過客淚夜猿啼百
丈緣流險雙厓壓樹低孤城丹巒麓江白露淒淒

夜泊乾灘寄聲之

江迴月娟娟蘆花渚路連暝沙團宿鷺風樹曳驚蟬廟
祭傳儻鼓津喧索渡錢愁心付漢水遙寄秣陵天

傅汝舟

中秋烏石山

良夜孤峰頂秋天陰復晴大江煙下滅低月雨邊明雁
過聲猶濕雲收意未平狂歌誰獨和漁笛隔洲鳴

傅汝楫

移家

世情那可問青歲欲移家魚得陶公法耕燒龐老舍種
桃求漢核食棗慕齊花醉卧滄浪曲科頭看日斜

傅起巖

京師書事次舒國裳殿撰

京國煙花重盧溝雪樹消宮陳開帝幄仙仗下簫韶御
酒葡萄綠官庖芍藥調天顏多喜氣報捷在今朝

鉏仲玉

返照

返照吞江色歸雲護石田半含吳地曲不盡越山偏萬木迴元氣羣鴉接暝煙飄然陸魯望隨意泛湖船

微陰

雲氣微含雨江村小作陰煙中雙鳥沒天際一龍吟落日傷春事扁舟繫客心放歌巖木動隨意酒杯深

趙金

過菱湖

去去餘不路遨遊一問津村孤船作市地絕水為鄰菱
藕官租足魚鰷野饌新衆山遙映帶相對碧嶙峋

徐璘

甲子除夕宿魚卿館

旅跡元無定衰情此更加飄零逢歲夜惆悵宿君家
醞
肇春生綠風霏雪度花故園今夕意懷斷若天涯

將歸夫椒泊湖口作

咫尺胥臺路風波滿渡頭鶴情懸碧壠尊思協滄洲柳

暗藏歸澈花深引去舟白雲為帶處彷彿識仙丘

宿治平寺

暝色投真境精廬一駐車暮山飛靄遍春嶺挂星疎澤
近窺汀火溪深宿夜漁良宵不成寐花月在香除

江上別盛太學與明

草色汀方綠歸心鬢欲華楚江臨別路春水怨天涯飛
絮淒征軸青煙暗遠沙無勞歌折柳腸斷是清笳

宿西莊懷幼子

出郭風煙澹林扉映綠波水迴全作帶樹古半懸蘿月
白鴻聲切花寒露氣多佳遊成獨宿良晤惜蹉跎

冬日重過西莊

背郭雲莊靜孤村雁蕩情岸迴沙半出山遠雪微明草
戶連郊色寒簷傍竹聲夜深靈籟作宿處本香城

山家

山家日翠微澹蕩挹清暉溪水繞門綠巖雲當戶飛夕
陽啼鳥盡細雨落花稀遲暮何知客逢歡便作歸

題鄒氏山居

草戶煙波上林扉碧嶺西柳邊時繫艇花外忽聞雞園
樹紫窓暗山雲度檻低主人開徑處惟有綠桑蹊

滄浪亭作

窈窕滄波寺玲瓏水上扉綠窓雲竹淨朱戶露花晞魚
逸晴偏躍鷗閒晝不飛東鄰精舍近無慮戴星歸

臘日山居柬淳甫

生事同寒鵠冰霜意若何黃金初歲盡白髮暮愁多世

慮銷雲梵冥心托薜蘿故人年亦謝良晤惜蹉跎

幼子攜酌南館

避暑南樓暇逢君遲客時綠陰消夏氣清曠貯涼颸林
密雲歸早溪深月到遲興闌杯未徹惆悵暝煙滋

川上晚步

野步斜陽外逶迤度廣塵荻花明翠渚雲葉散華天水
冽含霜氣山青帶暮煙正逢同稼日春酒興相牽

春日登灣上水樓

心賞觀同調聊成暇日遊暮窓紅翠岫春檻抱滄流蕪
綠烟催暝花寒雨作愁紅芳坐來歇登處且消憂

姜玄

暮秋集白陽山人五湖田舍

倚檻開湖色釣簾見浦沙晚田惟種秫春浦亦宜瓜落
帽松風近浮觴竹日斜坐來忘出處幽意愛陶家

張金

題丁道士小房

一徑晚來雨千巖秋正深潭空魚出藻果熟鳥窺林絕
壑蒼煙斷迴廊敗葉侵此中堪辟穀人世信銷沈

陳籥

送辰翁還閩

飄零同楚越此別各風煙後會知何日相思動隔年孤
燈雙淚盡萬里一帆懸誰見家園好椒花勝裏傳

劉嘉肩

過吳嗣業東莊

塵容與俗情到此異平生始向亭中坐還來樹下行小
池當面淨獨鳥隔林鳴更勸君裁竹他年約聽聲

張本

秋夜登閻門城樓

月白三吳晚風清八月秋芙蓉照江國蟋蟀上城樓海
思飛雲亂鄉心落葉愁忽聞黃鶴笛清夜重淹留

徐階

夜行安山道中

木落境蕭蕭殘燈照寂寥病驚時日暮愁厭客途遙急
澗聽渝響荒村語不囂月明如有意深夜伴歸橈

瓜洲風雨不克渡江

未遂歸來願空驚歲月奔布帆三日雨茅屋數家村山
氣遙連海江聲近在門無緣得飛渡東望欲消魂

廣信阻雨有懷子明弟

山國夏多雨冥冥氣不分石田寒貯水松徑濕蒸雲灑
密愁仍見聲微醒故聞西堂何處所知共惜離羣

夏日遊通惠河

頗憶三江遠乘流意若何水聲秋氣入竹密雨聲多熟
果當尊落驚禽拂棹過柳陰催繫纜欹枕聽漁歌

題西莊卷

問訊高人第城西莊更幽竹深秋靄合花重夕陰留澗
水斜通柳雲峰曲抱樓不知塵世外何處有丹丘

送王國完東歸

春色千門柳歸航兩月途歲更鄉夢切客去草堂孤會

合期猶阻翻飛意不無。睂湖煩問訊，松菊恐荒蕪。

送顧起元甥婿之京

病中愁送客，況復是殘年。雨雪三更夢，江湖萬里船。天垂龍塞沒，星接鳳城懸。到得燕山路，應書數字傳。

分水關

峻嶺開閨服，重關限楚氛。星隨分野異，地漸燠涼分人語。聽難辨山名，得未聞所嗟。南逝水不似，北歸雲。

鄭曉

彭城

彭城天下險萬里接河源落日東南斷飛濤日夜喧江淮連絕島齊魯入平原寄語當關者征求無太繁

張時徹

自清泉至衛源舟中作

不是滄浪水臨流試濯纓桑鳩依葉語麥雉引雛行汎渚枯槎出揚帆返照明渡頭簫鼓近稚子亦相迎行邁未云已仍為江漢遊青山隨處好況乃在滄洲木

密衆禽亂川平澹月流停橈來曲渚驚動夜棲鷗

楊蔡二子至留酌

有酒一斟酌相看即故人清溪落日靜輕燕蹴花頻薄
餉新炊霧高懷得借春誰憐仲蔚第碧草細生塵

送潘直卿

鴻雁領秋色江南桂子香旌懸石門近雲度剡溪長白
水朝朝霧黃蘆夜夜霜那堪正蕭颯把酒送潘郎

送鄭本德

二月河水泮輕舟棹碧波柳交行旆綠雲出曉風多北
闕甘泉賦春風寶劍歌天涯一尊酒相送意如何

郊遊

路出片雲外煙霞萬井同江山二月雨楊柳一春風草
舍面岑石清溪多桂叢塵心應自遠長嘯此宵中

秋日雜詠

初驚楊柳變復訝洞庭波欲採蕙蘭去其如霜露何遠
林霞護竹平野雉穿蘿落日村舂急豐年黍稷多

官城元枕水朝暮白雲歸寒憶薰葭落晴看鷓鴣飛輕
帆行木杪碧草照荷衣永夜月如練沙頭莫掩扉

歲暮山行

歲晚還行役空山聚客星梅花千澗白桂樹一冬青水
淨燈偏亂雲深戶不扃清宵無別夢趺坐誦黃庭

永寧寺

春風將客騎日日到山亭坐愛苔生石香憐花滿庭竹
圍華屋秀雲冠遠峰青有客能相款銜杯不願醒

長安道

月曉開長樂風清遠建章龍媒馳道出鳳吹彩旌揚繡陌
生朱霧銅溝映綠楊渭橋春水漲日日浴鴛鴦

春日舟行四首

出郭便如意春光盡眼中雲衣浮石淡樹杪著霞紅野渡新添水村禽各佔叢桃源在何許宛轉未能窮
為愛春流好初晴即放船林臯青帶雨江露澹生煙漁唱因風亂鶯花鬪日妍瀛洲知不遠凝望轉堪憐

空閒玄圃勝何似碧溪行積雪千峰白斜陽一鏡平艤
移平罌藻岸轉只聞鶯信是滄浪好中流試濯纓
青雲將畫舫步步可憐春野草風吹綠山峰雨洗新花
枝初綴蝶燕語故招人村叟亦何意逍遙傍水濱

曉起

晨星開曙色風鐸響簷端白髮繩袍敝青山病骨寒畦
蔬雞啄亂園果鳥銜殘竹裏收遺籜新裁處士冠

春日舟行次韻

春郊芳草色步步引仙舟未試登山興先為載酒遊輕
雲籠過鳥斜日趣歸牛最喜初晴霽羣峰翠欲流

渡黃河

黃河迴九曲適郢乍經過積雨初添漲無風亦自波人
行沙岸小樹近夕陽多為愛滄浪曲因之鼓枻歌

月夜燕客朱氏園亭

窮窕將軍宅招邀長者車彩霞秋竹亂零露夕花舒水
挹庭除碧屏開石鏡虛尊前好明月相對意何如

廣陵曉發

征夫逐草露夜夜月中眠霧擁玄猿嘯風吹白雁旋有
江能繪樹無路不生煙旭日秋光淡芙蓉亦可憐

次南禺見新月有懷

衡門緣徑啟花榭倚雲成照水月初出近人蟲自鳴疎
鐘風外落碧漢樹頭平無限傷秋意同誰次第評

歐陽德

送胡九峰改太常少卿北上

丹楓江上路送爾倍沈吟南北如相避誰從話此心漸
鴻遲月渚倦鳥怯雲岑孤負溪山約臨風撫素琴

富好禮

枝江縣

寂寞枝江縣居民祇數家村中無吠犬城上集啼鴉風
送千山雨潮侵兩岸沙客途春欲暮紅見一枝花

李仁

茂欽至得德兆起居

不見黃生久天涯
怨索居
憇蘭懷楚客
冰雪斷江魚白
日登山屐青春負郭廬
虞卿能發憤
會見早成書

李宗樞

度居庸關

峻壁含雲迴飛湍接澗迴虛聞三峽險疑是五丁開荒
樹分天宇驚沙暗戍臺祗慙持節度豈是棄繩來

劉禹

過宿州

憶昔乘輶過霜飛楚甸清十年頻去國此日重含情浦
樹浮煙遠河流入海平山川望不極春草徧王程

李舜臣

過友人郊園

暇日薄言出郊原列薜蘿為將芳草歇亦是別君多即
檻看紅藥開尊面綠荷晚來煙境上率爾遂長歌

吳鵬

潞河發舟

解纜催笳鼓青春萬里行煙籠堤柳密水汎野鳬輕獨立思王事無才補聖明此心懷魏闕惆悵棹歌聲

永平道中

疎雨未滑道秋風隨使軺磴危頻下馬溪斷不逢橋板屋居何陋蒲蠻習更騎暝投孤館宿寂寞聽鄰簫

高叔嗣

飲任文選宅

敢謂齊年齒常嗟抱夙心文章知汝在交契為誰深華

屋春燈艷層城夜柝沈賴蒙終夕話客路一開襟

與鄒生遊香山宿僧房

遽愁春草歇驅馬春山中夜宿禪闈下時將心賞同風
生近谷滿月照前湖空終愧淵明輩玄言對遠公

簡子陽廷評

終日祇緣此微官奈若何世情堪歎息身計任蹉跎客
鬢涼風早鄉心夜雨多故交誰復在無厭數來過

分水嶺晚行

客興日無奈兵荒歲屢加少年曾許國多難更移家遠
水通春騎孤城起暮笳馮高一回首何處是京華

二月十日至尉氏

含悽去舊里秣馬頓荒城是節春將半崇朝雨再晴倉
庚欲作語楊柳盡垂榮楚塞杳何所嗟予方此征

喜蕭司勲袁比部見宿山園

上客何時見中園屏卧遊門連莘野樹路轉信陵丘共
坐深林晚紛看落木秋非君憐病侶誰向此淹留

九月十日晚登城樓同川甫

暝色起郊闊層城煙霧間千家響砧杵四顧滿雲山片
月增愁思涼風減病顏登高情未已還共此追攀

行至車騎關河南界盡處與親知別

山河未可盡行處與春長驛路沙俱白關門柳欲黃親
知還自反離別各相望且緩征車發中心戀故鄉

寓居慈仁寺遊覽

終日仙宮掩青松遶殿遮到來長春草行坐落天花閣

上王城盡門前官路斜微身隨處是何敢歎無家

毘盧閣上同伍疇中諸公西望

客來常一上對此西山平向夕蒼檻立憑空閣道行楊
花飛暮野雨色動春城却戀同攜手都忘羈旅情

送別德兆武選放歸

燕郊秋已甚木葉亂紛紛失路還為客他鄉獨送君罷
歸時共惜棄置古常間莫作空山卧令人望白雲

歲暮答許武部廷議懷歸

掩閣日愁晚他鄉歲已深未能逃世網
豈是戀朝簪以我不如意憐君同此心故園春事及歸路儻相尋

初去都夜

汎舟當日落解佩及春歸病比相如是情方叔夜非暖
雲蒸海氣殘月吐洲暉今夕孤懷客誰云伴少微

子脩侍御見過時謝病

郊扉臨巨壑野日照晴空柳色春衣上波光曉鏡中當
軒留駟馬出戶倚雙童欲問朝簪懶人今卧病同

與客遊宋戴樓城門九老泉上

草屬相攜處田家水郭間林風動衣帶泉色照容顏軟
草留堪坐芳花折與還春城一散罷車馬更難攀

得張子家書

晚日照餘晴荒亭暗復明歸雲度深樹飛雨過高城塞
方慙當代棲遲笑此生空持一書札長歎故人情

雨後有懷子延

驟雨新秋晚微晴墟落間悠然挹藜杖率爾倚柴關空

壑纔容水流雲故滿山遙知城市裏應羨此身閒

和汝南見過

晚日留仙轡涼風勸客尊偶然擊筑伴依舊抱關門樹
落千重葉蓬吹萬里根病身一如此誰念在孤村

曉起

惆悵空堂曉蕭條秋氣陰懸窓對疎雨落葉滿重林長
往懷仙事端居養道心誰知歲復晚高志莫能尋

文水縣驛壁讀王司僕德徵詩因和其韻

長途無驥足短髮有漁舟感歎如同日羈牽自去秋寒
燈知客意鳴柝亂人愁屏上山川記何因認汴州

寒食定興雪中

二月鶯花少千家雨雪霏可憐值寒食猶未換春衣積
水生空霧高城背落暉忍看楊柳色從此去王畿

晚趨忻口

雲峰聊極目立馬獨愁心豈直關山遠其如雨雪深笳
聲先入夜邊氣迥生陰疇昔長征意蹉跎力不禁

仲春山行

春事殆過半客行殊未閒流雲開白日微雨點青山身
世本遲鈍林臯當早還煙郊草色長感此奈愁顏

三月二日交城大雪

建辰開此月上已預今朝柳絮寒應未雪花晚故飄輕
盈對山榭點綴愛芳條若伴邊愁客經春總不消

沁州張源鋪

去國三年意還家此日心天寒客路永日暮衆山深沙

塞人偏老風霜馬不禁如何更萬里投跡楚江雲

量移湖南用文谷韻

歲暮邊隅客歸來見此身馬蹄穿欲盡虎穴到為鄰漳
水經塗舊湘潭去路新我生豈斷梗逐處任飄淪

武城漕河逢張使君憶考功舊寮

岸坼留餘照舟行稱晚風歸心千里倦行役一時同置
酒滄波上停橈綠樹中思君如河水何日不朝東

東郊雨中柬士量

閒居甘絕跡疎雨對芳原念欲開青眼誰還共綠尊
林煙旁舍午野色遠村昏自笑平生意無人空閉門



御選明詩卷五十六

總校官庶吉士臣侍朝
校對官檢討臣蕭九成
謄錄舉人臣張昱



欽定四庫全書叢要

集部

御選明詩卷五十七

詳校官原任主事臣李斯咏

欽定四庫全書會要卷一萬八千五百五十七

集部

御選明詩卷五十七

五言律詩八

葉份

夜泊壽春驛

萬里愁行客
孤槎自使星人煙
昏晚渡漁火亂風汀
桐柏長淮水
松杉古驛亭
誰家吹短笛
淒斷不堪聽

韋商臣

秋社和朱雪峰韻

近圃青千疊遙山碧四圍舟從天際至觴向雨中飛殘
暑蒲葵扇新涼辟荔衣更憐天欲霽返照弄餘暉

馮世雍

赴滇南煙莊道中

碧嶂千峰合黃茅一徑開馬從危石度人自亂山來暝
樹青溪濕寒雲白雁哀漫停湘浦駕遙望漢江臺

盧襄

一谿

一道紫村曲何年有此谿微風生細浪過雨失平堤漁
澈舟相續仙源路不迷幽棲我亦戀夢繞石湖西

狄沖

德州道中

遠道嗟難到舟行觸凍流山城寒擊柝客夢夜封侯岸
鳥棲還警村犬吠不休篙人真楚產助力發蠻謳

谿上

原樹明殘日谿風掃斷雲衆山圍野並一水向田分魚
戲推萍轉樵歌隔嶼聞隱居逢此地無事歎離羣

柯維騏

宏路驛

雨歇江天淨山迴驛路遲客愁新歲減風物故鄉宜花
事餘梅蕊樵歌綴竹枝祇慙司馬病深負好文時

豐坊

卧病述懷二首

短日悲年促他鄉苦病侵疎砧偏傍耳歸雁忽驚心塞柳猶含凍江梅正滿林衰羸難自強早晚合投簪

宦況從來薄幽居頗自厭寒雲開遠岫落日盪虛簷煮藥爐常活題詩筆久拈無人來問訊向夕閉空簾

秋日即事二首

老農遺舊業世事厭新聞落日明蒼野秋風散白雲樹陰唯犧共渚月許鷗分寄語州仇輩何心預此文入秋殘暑退向晚病心清露葉和螢墜風條雜鸕鳴最

甘蔬飯潔慙怯葛衣輕坐聽西樓角嗚嗚向月明

鄭旦

夜歸洱海道中

杳杳空原暮蕭蕭旌旆行長風吹海暗新月傍人明河
影城頭墮秋聲塞外生客懷頻荷劍時事正論兵

龔用卿

聞鳥

入戶聞啼鳥芳園三五家竹陰苔沒砌庭靜蝶爭花籬

菊春芽茁亭槐午影斜憑高遙送目夕照數歸鴉

湖上晚歸

十里菰蒲水連阡桑柘園湖天平石鏡漁火出山門
踪遺僧舍蘇堤接遠村飛星斜過水立馬已黃昏

蘇祐

秋夜宿上方山治平寺

下榻成流憩懸燈坐夜深林疎風落木村迴月傳砧星
入山窓小雲生水殿陰擁衾正愁絕謾擬越鄉吟

立秋

夜半西風入涼雲滿晉樓蟬聲帶秋響螢火傍宵流已
絕張翰興能禁宋玉愁年華浪拋擲歸思繞滄洲

登滕王閣

坐久澹無慮悠然片月生踈星雜漁火繁露濕江城向
夕橫燕望今宵習楚聲因憐竹枝好翻作豫章行

過甘莊下視雁代諸山有作

極目川原遍雙眉紫翠間水光全帖地嵐氣半沈山白

鳥雲邊沒青驪樹杪還伯牙琴興劇何日乞身閒

張鰲

訪趙元戎築塞

走馬黃龍府觀兵細柳營連山邊雨合平野陣雲橫松
漠懸秦璧燕支動漢旌猶憐趙充國辛苦築金城

陸邦

宿三義口

雲樹蒼茫合鄉關道路賒近船呼伴侶隔岸有人家草

短煙橫野江寒月浸沙家人應念我今夜宿三义

郡解似野齋

青林依郡宅渾似野人居幸此無公事閒來展道書蟬聲來遠樹草色上前除莫笑耽玄寂功名意本疎

呂希周

萍鄉次趙都諫漸齋

晚憩萍鄉館繁陰度短牆鳥棲人亦倦山僻雨初荒新月憐遊子涼雲夢草堂好風三百里吹我上瀟湘

華察

惠山寺與子羽詰別

看山不覺暝月出禪林幽夜靜見空色身閒忘去留疎
鐘隔雲度殘葉映泉流此地欲為別諸天生暮愁

與僅初再過任大理別墅

溪南讀書處秋晚數經過寒照隱城樹蒼煙深壁蘿窓
明山翠近地靜葉聲多叢桂空巖暮徒懷招隱歌

夜宿田舍

郊居觀獲罷暝色滿荆扉
歲事山田薄人家茅屋稀
荒原寒照斂獨樹暮禽歸
夜靜然燈坐高窓黃葉飛

夜訪金秀才

獨夜山陰客停橈江月斜
溪深聞犬吠葉盡見人家
荒徑存生事寒燈映鬢華
坐看霜氣白宿雁滿平沙

屠應峻

甘露寺次韻

甘露千年寺羣公攬轡過樓空
吳楚盡江闊雨雲多蜃

氣連蒼海琳宮隱碧蘿更聞幽絕處白日走龜峩

贈同年謝子儒致仕歸蜀

子真棲谷口潘岳賦閒居長揖辭明主為農返故廬
消巴嶺出天入錦江虛莫待揚雄老潛夫早著書

趙武庫元寶移居賦得堂字

高士便疎曠居臨御苑傍開尊秋月滿列樹夏雲涼水
鏡搖朱戶風琴奏石房登樓新有賦王粲謝升堂

陸粲

寄葛太守子中

憶爾投荒日依依戀翠華亦知行萬里不是為丹砂郡
古留銅狄堂深繡土花何須憂瘴癘意遠即煙霞

江以達

上清祝聖逢孫默齋使君感贈因期同陳午江
枉顧山中

憶別無今日生還有歲年那期半里合相見一潸然往
事秋雲外幽懷落葉前何時與同好方駕枉林泉

聞人詮

登壯固山

郭外青山好高峰俯碧霞江聲入尊筭秋色滿汀沙島嶼
金焦並人煙市井賒地偏鷗鷺狎擬宿梵王家

田汝成

軍中酬焦學憲過予思南別署有懷見寄

誰道軍中樂徒勞物外吟朔風淒鼓角嘉節罷登臨草閣依山迴江梅映雪深無由款高駕愁絕暮雲心

烏蠻灘

一葉中流下千山兩岸開龜鼈吹浪轉燕雀受風迴巨石迎船出啼猿近客哀從來輕險絕涉此寸心摧

樊鵬

山居和孟無涯

秋園對曉坐弱病苦寒侵楚地風霜積江鄉草木深山高來牧笛村遠送寒砧為問林泉事時時酒一斟

六合

聯轡來東邑朝行暮復還市塵通亂水城郭帶秋山路
出青楓外江流白霧間西行鄉思切愁絕望昭關

袁袞

自柳至平樂書所見

象郡極蕭條賓州頗沃饒趣虛多醜女互市半良猶若
裏檳榔貴花妝茉莉嬌輜軒叻使者異俗采風謠
鬱白方言似潯梧瘴氣賒蚺蛇晴挂樹射蜮晝含沙屋
覆湘君竹山紅蜀帝花夸堅收未盡博物待張華

楊花

點點飄仍聚盈盈密更稀輕窺朱幌入亂繞玉窓飛雪
作漫天舞春從委地歸章臺無限恨零落竟誰依

燕

最愛堂前燕高飛忽復低趁風穿柳絮冒雨掠花泥簾
影朝雙舞梁塵晚並棲綠窓離思切腸斷各東西

人日齋居雪霽

瑞雪逢人日堯年感物華水從銀漢落山繞玉關斜帳

殿披晴靄郊宮闕綠霞今朝禁城望無樹不飛花

憶橫塘別業

一卧文園病終朝念故山敢希宣室召祇望玉門還橘
想千頭足桑思十畝閒如何五斗米猶自滯南蠻

謁柳祠

羅池非昔日柳廟亦荒頽秋草重門閉寒花獨樹開文
章真命世今古孰憐才猿鶴如相訴松風晚更哀

招鶴

獨鶴忽飛去冥冥滄海東離哉翻羽翼幸矣脫樊籠影
憶空庭月聲鄰別院風凌霄自有志吾豈學支公

范言

酬賈實齋憲副

水煖躍春魚山晴照客居菰蒲淮水際松檜漢年餘酒
熟雲安市田荒鄴下渠嬌兒勝筆硯塗抹老夫書

湖上

誰開湖上閣獨對晚來聽鶯語排花出潮聲帶雨分遙

看鄰牧散閒與海鷗羣自笑江干老悠然卧白雲

駕出北郊

清蹕辭南陸玄宮禮北郊周盧屬霜戰行吹雜金鏡齋
祓陳周幣明禋薦楚茅還聞天樂在縹渺下雲旛

別華鴻山翰撰

細雨花邊路間亭竹外扉地偏亭榭古春老燕鶯稀柳
色侵歌扇藤梢拂舞衣新愁忽高會知爾遠懷歸

趙時春

春庭即事

卷五十七

春光不可問春事屬誰家庭暖初喧燕簷風欲度花含泥隨遠近飛蕊下橫斜幽絕不須掃原無長者車

送陶虞卿赴神機叅將

宋殿三衙帥唐環十六軍官聯叅斗柄旌旆儼星文羽衛迎黃道龍光觀紫雲時時仙仗入清蹕早應聞

王慎中

柳湖亭讌遊

亭子水中洲蘭漿美載浮鷗翻當吹遂魚躍近垂釣折
藕憐絲細探尊愛乳流更言明月好中夜尚淹留

宿湖中

蒼茫煙景晦舟楫自如家宿處隨鷗鳥秋初惜月華遙
心連浦雁歸夢滯江花為客誰知者疎燈水一涯

晚行趙家園

川廣片帆懸輕霞欲暮天蓼花明遠岸蘆葉隱低田風
起青蘋上雲歸白鳥前元多山水意對此自悠然

題徐氏溪亭二首

高亭虛出水結構若天成波蕩垂簾影窓留過艤聲樹
低看岸遠風細覺潮平自有芳洲杜舍滋日日生

浯水日悠悠虛亭壓水頭棹歌喧極浦峰翠漾中流每
夜偏多月長天只似秋更添幽事併繫柳木蘭舟

訪空同先生故宅

久欲求遺草今來訪故廬北窓存卧席東壁有藏書墨
沼春苔長琴臺夜月虛年年桂花發人擬子雲居

馮恩

郊居雜詠

曉雲封遠岫 新柳拂雕楹
鳥喚驚幽夢 花香解宿醒
摘薇供野饌 披笠餉春耕
無限尋真興 登樓一嘯清

雨夕

亂雲沈野寺 風雨夜鳴驕
灑案香煤潤 侵燈花蕊搖
陰晴窺世幻 歲月在山饒
喜聽三生話 空林慰寂寥

羅洪先

送周龍岡

結茅依野樹，巷僻少來車。
落葉滿庭下，寒山半雨餘。
忽言京邑去，因憶貴交疎。
問訊休相及，為農久廢書。

訪隱原

入谷無機事，邀逢任所之。
獨沿溪澗往，忽至夕陽期。
峰影遙能辨，松陰坐屢移。
暝來山下宿，殘月二更遲。

唐順之

同褚生滔徐生大復夜過城濠水榭作

出郭即山家孤亭更天涯人開池上酌蓮吐月中花清
籟微微至明河漸漸斜坐疑塵世隔雞犬亦無譁

贈郡倅綱運

之子從王事秋江曉問津泛舟千里役行篋一官貧淮
海雄畿服瑤琨貢國珍聖明如有問正可繪流民

常山懷羅念菴

本為窮幽賞非因避世氛鄉心吳水盡客路粵山分名
姓休相問漁樵久作羣忽思鸞棖侷日暮倚停雲

丹陽別王道思

久已廢逢迎蕭然世外情因君訪茅屋相送到江城遠
岫雪中綠寒流水下行可堪此時別獨自返柴荆

題金山寺與僧惠傑

何處尋龍藏停橈聽梵音中流一塔影遠樹萬家陰僧
定潮來去月明江淺深試將空水相堪比慧公心

送孔上公助祭太學歸闕里時賜袞衣一襲

國喜嘉賓至人攀上客行來觀周室禮去入魯王城新

袞山龍炫餘堂金石鳴聖朝稽古意待爾示諸生

同皇甫子循遊橫山

曲磴行來盡松陰轉寂寥不知茅屋近却望石梁遙葉
響疑聞雨渠寒未上潮夫君軒冕客此地欲相招

送白尉往湖上

君家太湖北作吏太湖南驛路雞鳴近山城樹影含萬
川疏沃野百室競春蠶幸此猶吾土微官也自堪

李開先

春夜

寶鴨香初泛銅龍點漸加睡輕聞雨竹情重惜風花無
語梁間燕未啼城上鴉春宵太寂寞欹枕待朝霞

春日雪宴

雪宴聚名姬旋教春雪詞歌喉雜鳥弄舞態蕩蛛絲樂
歇呵纖指軒明映玉肌煙花聊寄興良友莫相疑

陳束

春郊晚行

遲日出郊圻悠然塵事稀野陰堪結蓋清水欲流衣俠
客探丸返佳人抱瑟歸喧喧四鄰夕徒倚向斜暉

都下秋雨夜飲王子長宅

閣別時何屢蹉跎鬢已侵還朝明主賜卜夜故人心涼
雨杯初覆空堂漏欲沈安知非夢寐相對帝城陰

春日渡漢陽

春風澹微雨了了見前川背水千家閉連山百雉懸鶩
啼江上樹人散渡頭煙此日乘流者羈思殊未捐

過吳維新隱居

委巷疎塵宇空齋問隱淪應門兩童子拄杖一間身下
馬見深意焚魚知久貧相看祇有笑握手更何陳

病中張大見過

拙疾寧為理幽閒幸避喧解巾看吏傲罷牘聽禽言霧
委花餘泣風歸葉暗翻園林遲日意一與故交敦

晚望有懷

高閣罷餘霧曠然見遙岑依微夕照滅窈窕寒雲深隱

几獨成趣據梧時自吟唯當草玄者寂寞知予心

任瀚

病懷

海甸逢南菊殊方也自花江淹新卧病王粲老無家皓
月千門夜秋風雙鬢華還持石函記勾漏訪丹砂

胡松

舍弟病久得書知小愈喜而有作

汝病經年久常時繫我思池塘春草夢江海鶴鵠詩歲

暮悠悠別天涯寂寂時忽傳消息到喜報細君知

林恕

舟次白沙驛

長安何處所孤棹發閩關白擁沙邊驛青迴江上山風
濤添別淚村酒破愁顏羨爾溪中鳥閒雲共往還

同蔣蒙菴朱豹厓登合浦海角寺

共是天南客相攜海角行山連銅柱界水匯越裳城落
日潮聲起高秋蜃氣清故鄉回首望歸雁斷南征

楊祜

答陳李二侍御

吏隱滄洲遠江楓伴索居秋風一雁過忽枉友朋書獻納看君輩聲名動直盧東南民力竭奏記意何如

湖夜

湖夜熒熒白蘋風嫋嫋秋斷霞斜照雨冥霧濕依樓萬國仍多難浮生祇百憂滄江有漁笛何事獨悠悠

桂天祥

發和州

樓船開旭日涼露灑征衣擊楫橫江浦投詩采石磯潮
來紅蓼没人語白鷗飛天際瞻宮殿金陵在翠微

吳子孝

送陸別駕之安州

作吏本王畿盧溝葉亂飛秋風吹易水寒雨灑征衣戍
火鄰邊障原霜見獵圍陸機吟興好還喜簿書稀

橋溪僧院

蟬聲不出寺鐘斷祇聞香流水迷松逕閒雲滿石牀無
言忘寂寞晏坐得清涼欲謝人間事冥心叩藥王

燕

數見沙頭燕翩翩故傍人定知巢已就偏愛語相親碧
樹江波闊烏衣故國春卷簾誰為汝飄泊數沾巾

秋日與子浚子約小集子循甫赴日南

莫問銀河淺須憐玉簟空洛雲三歲隔楚月一宵同風
櫨悲窮驥秋砧亂候蟲新涼有離思萬里憶征鴻

沈愷

山寺

年年二三月常自客天涯
問竹何須主逢僧便可家偶
嘗新市酒翻憶故園花
春事已不及虛憐負歲華

沈謐

遊殊勝寺

畫舫連雲動驚濤
帶雨飛青山天外出
白鶴寺邊歸僧偈
偈傳金粟蟬聲隱翠微
洞庭乘興遠直欲老漁磯

蔡鑿

九日登歷下千佛山

索居逢九日山寺一登遊紅葉西風晚黃花細雨秋雁
從寒樹沒嵐帶遠山浮何必茱萸酒清吟亦遣愁

石洞

山中無俗事洞裏更清幽何代高人隱遐蹤今尚留碧
天明遠岫疎木繞寒流一坐澄心慮因思歲晚謀

避雨逢舊識

雨過樹生涼間關鳥語長門前流水急籬外菜花香田父偶相問故人情未忘此中可乘興無奈馬蹄忙

泛舟大陸澤

大陸秋水平藕花風正清船如天上坐人在鏡中行湖迴遠山出烟消新月生昔人垂釣處回首不勝情

楊本仁

山行

山路登攀倦鄉園何處邊迷津歧路口立馬亂峰顛白

髮雙親遠黃河一線懸俯看鴻雁影難寄益門篇

曹世盛

送凌應賢判常德

雄郡開南紀行旌出北燕別憐孤館夕交憶故鄉年曉
月沈平楚春山帶遠烟離魂與孤雁共逐洞庭船

程烈

春日同皇甫子循遊吉祥寺

尋春同出郭下馬問禪棲花梵流清靄雲鐘度遠溪山

形闕塞北日影樹林西老衲能留客歸途渾欲迷

過露筋祠

古廟清淮口相傳烈女祠孤舟不同載行露有深悲日
向菰蒲落山隨洲渚移千秋一感慨為誦浣紗詞

孔天肩

夜坐

寥寥郡齋夕悄悄客心幽露氣因風發花陰帶月流城
高聞鼓角地爽識邊州去國懷多曠兼茲永夜愁

秋懷

木落雁南渡天高秋色深涼飈颻夕露踈雨散朝陰水
冷魚龍戲山空猿鶴吟將因理歸駕貞此歲寒心

高萼

餘春

餘春園日勝香聚一亭紅蜂鬧晴簷下鶯啼密葉中不
愁花慢雨惟愛酒旗風屢發東郊興惜無人與同

閔如霖

遊迎恩寺寧氏園林

逕轉金沙淨壇依石洞幽樹深寧受暑蜩咽似迎秋空翠含雲落新泉帶雨流歸驂楊柳陌十里暮煙浮

蔡汝楠

初上讀書樓

一倚層樓上風煙自曲阿山晴俱入牖月濕迴臨河散帙流螢落吟秋早雁過無端見鄉樹却憶別年多

山中立夏即事

一樽開首夏獨對落花飛
幽僻還聞鳥清和未換衣綠
憇槐影合香飯藥苗肥
盡日柴關啟蠶家過客稀

烏戌唐氏林亭

訪舊烏溪畔空林別成間鑿池通暗水移石壘高山微
雨秋雲後疎花夕照間平生愛幽寂於此欲忘還

題峴山濟公房

禪榻澄湖上山光似鏡中疎鐘搖落葉細雨帶秋蟲峰
竹虛窓映爐香別院通何期碧雲合一酌對休公

晚過施子

霽景開芳譙樽前落晚霞蟬聲經雨斷鳥道入風斜幽徑過求仲青山近謝家相看江上客共惜九秋花

自瑞洪汎江入信州

暫得辭文牒虛窓畫舫開江趨鄱口落山向信州來接樹迷帆入殘鶯喚夢回無人共登眺翹首越王臺

呂光洵

立春前雪應制

天惟玄德感帝念小民依遯臘能呈瑞先春果應祈雨
儀渾並色萬有條文輝欲繼周文咏還輕郢曲稀

林應亮

流河對月

驛路近津橋星河接海遙露塘風折葦沙嶼月平潮遠
火渡頭急踈鐘湖外飄那堪淒斷夕涼氣入寒條

溪上

清溪流不極林際帶踈鐘鳥道連山屋灘聲落水春漲

消新有岸雲起本多峰愁對猿啼峽鄉闊煙樹重

宿會江

古驛山城外寒江客到稀潮平見魚戲葉落聽禽飛遠
火行人語荒原古渡歸徘徊不知夕零露忽沾衣

范欽

江上翫月

萬里空江月孤舟日夜看關山何處是烏鵲不勝寒氣
逼銀河轉光含玉露團趺躡瞻斗極鬢鬚辨長安

雪中簡王惟和

寂寞梁園客，迂迴剡曲家。
一冬初破雪，萬里正飛花。
帶雨斜侵慢，迴風曲艳沙。
相看如不醉，辜負此年華。

姪澈使滇南

鳳歷千齡啟龍函，六詔傳雲開。
星使路地盡夜郎，天頒瑞符虞典祈。
靈異漢年可令籌，國計人復數張騫。

顧存仁

岱道

目極長安嶺春生岔道屯看花頻掩淚聞雁欲銷魂
霧侵衣濕風沙隔面昏據鞍悲髀肉徒切壯心存

周復俊

秋夕

夢家家不到秋半復懷歸落葉見行馬寒城催搗衣鴻
飛潞水急雲過楚峰稀惟有中秋月能揚萬里輝

宿龍泉鋪

委轡蒼林畔郵亭落葉踈雨聲侵夜急山白射窓虛疲

馬先依臯征鴻不寄書開門嘯徒侶月出五更初

山塘驛

煙驛石梁分遙天獨雁聞花濃川散纈霞細島流文葉
鬪將樓鳥山留欲去雲此時神慮澹泉月正紛紛

旅懷

水竹晚蕭蕭深溪度石橋捲簾秋不隔迎扇暑全銷草
長飛平燕槐疎落暗蜩樵村帶魚艇小隱不須招

池上

涼吹遙侵榻。蟬飛近滿城。猶憐采菱渡。不盡賣花聲。鴻
雁迎霜早。煙霞出海明。白羊山下路。芳草更多情。

柳營

何自入芳園。因尋靜者緣。樓陰連水綠。橋影罩溪圓。紫
幕飛雞燕。荒苔隨小蟬。悠然欲歸去。閭喚木蘭船。

王梅

送林節推赴任瓊州

見說瓊州地。煙中疊浪開。遠天分島漱。晴蜃結樓臺。水

館鯀人織風檣賈舶來枕榔秋樹好莫怨夜猿哀

尹耕

古意

賤妾長留此良人久戍燕無由秣陵淚一灑薊門煙野
日明官道寒雲暗晚天相看秋欲暮又是別經年

寄倒馬關崔將軍

苦憶當關將頻年樹漢旌風生三岔口雪滿六郎城
李牧仍酣戰馮唐未著名隨雲望倒馬空有故人情

過汪中山舍人園亭

碧嶂青霄外文渠錦席前洞穿巖下邃亭插沼中圓琴韻朝醒酒碁聲午破眠因君忘去住不問北征年

黟縣道中

嶺峻橋橫渡泉懸水逆流映空峯影亂觸石浪花浮歲月悲行役衣冠憶舊遊望鄉雙眼淚休上最高樓

關侯祠

盜寇襄樊日長濤洶魏軍氣雖雄百戰功竟偃三分鬼

馬騰空阜靈旗掣亂雲神絃朝暮曲長向嶺頭聞

包節

夏日雨後過陳園

選勝導郊郭衝泥試杖藜溪承新瀑水山渡欲晴覬看
竹人先至穿花鳥自迷笑予來幾度才識小亭西

秋夜

淒清旅館寂徙倚對明河庭樹銷潘省寒蟲避翟羅雁
歸砧響急烽至角聲多不寐殷憂者長更奈若何

九日宴西寧城樓

九日依邊郡登高倍黯然山風寒擁葉城日澹浮煙菊亦窮荒見萸應故國偏何期流竄客猶接歲時筵

徐禎

楊蘭亭奉使北上

出闕稱使者知是棄繻生鳳詔從天下樓船截海行五雲還入夢千里欲遄征到處逢迎是無勞念去程

鄒虹橋新居

欲謝塵中鞅。言從野外居。
短籬齊樹槿，新水曲通渠。
俗客無停軒，幽人有報書。
清風壯窓下，高枕意何如。

王畿

山房早起用陽明先生韻

睡起乘朝氣，翛然步遠沙。
白雲千嶂靜，流水一溪斜。
幽意隨林鳥，浮名付槿花。
山厨作清供，一味趙州茶。

白悅

月夜與宗子登虎丘二首

芒鞋乘落照避俗踏幽蹊雲補青松障苔分白石梯庭
前孤月出天外數峰低歸步蓮塘徑高枝一鳥棲
登眺發遐想乾坤一委形目隨飛鳥落思逐冷泉醒坐
愛山月白涼生松露零巾紗高岸處兩壑斷雲屏

上方寺次南峰楊子

竹壑響寒玉山亭來好風小橋橫谷口古塔半雲中落
鶩帶殘照飛帆挂遠空歸舟石湖晚漁火隔汀紅

橫塘夜泊

山月正江中飛觥輿轉濃露寒漁浦笛風靜客船鐘曲
樹青依岸晴雲白護峰曉來須共爾徙倚洞天松

送楊侍御

樹色障江城青驄逐晚行鴻飛破雲影木落亂秋聲萬
里河梁別三年白下盟夕陽人漸遠蘭袂若為情

王廷榦

天壽山行宮

天旆三春發離宮四月開觀河懷禹跡問野見周才日

氣生高嶺雲陰拂翠臺太平叨扈從文雅愧鄒枚

後湖荅皇甫司勲

高皇方息戰於此濬澄湖版籍封疆遠絲綸詔命敷萬
年修禹貢九譯獻周圖自得清風句南中麗景無

錢薇

贈呂東匯銀臺

薊門十載別此日意何如濟世餘三策謀身合二疏浮
蹤寄天地真樂自樵漁好借盧敖杖周行五岳墟

趙貞吉

華陰祠居東縣令

新作王門使來依茂宰居煙花松社屐風雨竹牀書寂
寂春將暮綿綿思有餘愁深仍向夕戶影岳蓮墟

金陵送取經僧回蜀

洗鉢長干寺鳴榔一葦灣經收唐藏譯歌學楚狂還草
綠金沙島雲開石鏡山慈航偏易渡豈若世途難

康太和

登雨花臺

鷺嶺峩峯上龍宮路轉斜山河饒四望城闕俯千家松
暝偏藏鶴臺空尚雨花憑高無限思風物滿京華

登木末亭

寺愛風塵隔亭看木末齊登臨疑地盡笑語覺天低勝
景懷偏洽芳樽醉更攜不知人代遠幾度此攀躋

宿查家渡

寂寞查家渡征驂此日過荒村人跡少孤館雁聲多寒

月侵窓牖涼風透綺羅有懷渾不寐起視夜如何

人日

南國逢人日相傳卜歲華陰晴曾不定時序轉堪嗟地僻將舒柳山寒未放花草堂詩欲寄羈思正無涯

端午書懷

入夜潮聲急平明江霧開感時人競渡弔古獨登臺野樹疑分合沙鷗任去來乾坤堪一笑駛景白駒催

仲秋國學陪祀

吾道宮牆在清秋雨露多禮分三獻肅樂奏九成和夜
靜傳金柝庭虛聽玉珂歸途燈火遠星斗耿天河

孫植

霜降陵祀夜行

夜靜鐘聲徹山深古柏寒回風吹落葉絕壑響鳴湍候
騎林間出懸燈嶺外看神遊列聖遠弓劍五雲端

馬森

分水關

出關閩土盡征路楚山迎曉霧連空暗炎天過雨清人
來千樹杪鳥雜百泉聲每憾箇輿閣難從石罅行

陳堯

夏日後樂園雜興

吏隱容疏放園居況寂寥護花編架密種豆引泉遙閱
世思緘口逢人恥折腰無能煉丹鼎華髮日蕭蕭

許穀

過德州

樓船御壯風渺渺過齊東種秫生涯薄誅茅結構同日
沈平野上人語近村中水面看牛斗星槎似可通

偶成

新作魚鹽吏遙辭龍虎都乾坤無棄物江漢有潛夫短
笠三山雨扁舟八月鱸茲懷何日遂把酒意踟躕

夏日過西宗別院

退食尚書省聯鑣大士林地開仙梵境客遠市塵心石
竹下空翠山雷生晝陰竭來幽賞意一寄白雲岑

送馬抑之冊封魯藩

惇族開新典，馳封輶從官。使星過即墨，廄馬出長安。
日躍扶桑樹，芝生泰岳壇。勝遊多賦草，揮贈故人看。

王維禎

秋日登墅樓同郭子得差字

久客悲秋屢今歸，我重嗟青山。猶故國，黃葉變人家。
不盡樓中感，況多鬢裏華。世途空節序，真覺向來差。

出平涼尋故人

窮塞涼州是吾今出更西峽深昏白晝劍在耀青霓畏色生危歎吟情亂急溪故人千里外有酒慰羈棲

熱

院深風不度火鑠井猶溫林密翻包暑蚊多故趁冒何方無五月明發問孤村蓮洞涼如許茶瓜與客論

駱文盛

雪霽

旭日散晴暉西山雪意微茶初烹石鼎客已到柴扉嘆

雀檐前下輕寒谷口歸村醪聞已熟莫惜典寒衣

左順門值雨

曉漏趨朝候殷雷送雨時殿雲低拂檻檐溜急通池自
訝沾衣速何妨退食遲宮鶯春罷轉應濕上林枝

劉繪

初春簡喻大定之陳三公美并遊春諸公

凌旦尋春處莫言花未開仙人碧玉館艷女紫雲臺一
醉連歌去千金買笑回風光已相待數遣曉鶯催

月季花

綠刺含煙鬱紅苞逐月開朝華抽曲沼夕蕊壓芳臺能
鬪霜前菊還迎雪裏梅踏歌春岸上幾度醉金杯

陳鳳

秋日登雨花臺

落葉山中寺秋風江上臺鳳城雙闕迴牛渚片帆來繁
吹暮仍急清樽醉復開東籬菊尚晚留取盡餘杯

再送環浦憲使

攬轡喜重臨臺端遂盡簪離亭忽此別客思一何深雨
雪燕山道江湖魏闕心知君多古調三歎憶遺音

吳瓊

送方際明之金陵

津亭楊柳色話別思如何爾向金陵去應聽玉樹歌石
城寒雨散牛首暮雲多好獻匡時策無須念薜蘿

旅邸除夕

老至謀仍拙天寒酒易消永霜愁裏過鄉國夢中遙一

歲祇今夜百年能幾宵病懷堪自適無復歎蕭條

施峻

過南郭野寺

休沐出南郭尋僧一扣闕孤燈燃白晝疎磬滿秋山束
帶經年苦看雲盡日閑齋厨清供罷驚鶴欲飛還

石居

何年此卜居一徑入幽虛隱几青山近焚香世事疎鹿
麌過別院松子落前除我欲為鄰舍同看種樹書

郊扉

青入秧田雨黃連麥坂雲郊扉聊騁望世事不須聞竹
外鳩雙語花前鶴自羣溪邊來縣尉載酒勸農耘

袁煒

初夏宴崔太常道院

出郭尋玄圃黃鸝懷好音瑤壇羣木秀清磬碧雲深綠
酒傾燕市微風動越吟歸來躅明月萬戶漏沈沈

喻時

村舍

塵斷蒼波繞村遠碧嶂臨晴沙隨豕跡風葉送禽音誰笑免園冊獨憐鷗社吟四時真賞在幽事動闕心

萬虞愷

山中曉行

攬衣中夜起秣馬早鳴鞭殘月不照地明星猶在天出門頻問曉歷澗暗聞泉翳翳東林外山雲雜隴煙

周怡

知二弟至用韻慰之

歲晚吾長滯秋深爾遠來鶴鵠飛已急鴻雁去還哀伯
氏喜猶在爾懷強自開可憐風雨夜須酌解愁杯

王健

別建安尹陳石陽

王粲忽不樂陳琳將遠行三秋離別思十載結交情日
下飛鳬影雲中去雁聲有懷他夜月夢繞建安城

溫新

宿靈寶

驛館桃林在山城木葉秋我行聊駐馬訪古憶歸牛風
浪黃河急塵沙白日愁鄰家好明月今夕自高樓

沈鍊

得應職方書以詩答之

郎署飛符日題書問謫居自因鄉使到翻覺舊交疎塞
月塵沙裏邊風鼓角餘誰知遷客夢夜夜繞鸞輿

寄馮敬叔

同作他鄉客嗟余更滯留關山明月夜邊塞白雲秋漢
闕孤臣夢胡笳萬里愁桑乾河水近知是憶并州

茅坤

夜泊錢塘

江行日已暮何處可維舟樹裏孤燈雨風前一夜秋離
心迸落葉鄉夢入寒流酒市那從問徵吟寄短愁

登叢臺

一眺叢臺上孤臣秋暮時綺羅言已寂芳草暗含滋泣

露蠻移蝶銜花雀隱枝忽聞雍里曲併落照眉池

首春次安肅

山城喧社鼓遊冶屬芳晨陌上探丸騎林中射雉人年
光浮綺吹日氣抱紅塵馬首多春色還憐旅鬢新

喬世寧

秋夜

今夜燕城館忽驚霜露侵寒砧薄暮急落葉下庭深為
客仍多病悲秋正苦吟誰家明月下吹笛更闌心

春雁

春風纔幾日江雁已春聲
關路何時返鄉愁為爾生望
窮追漢影不盡倚樓情却憶
金河壯人同出塞行

徐楚

築圃

垂老學為圃乘秋課築場
編筠聊覆屋疊石更圍牆
蔓草芟宜盡嘉蔬刈可嘗
親朋時一過漫說午橋莊

王問

贈俞憲部謫武昌

送子南遷路悠悠逼歲除遙看挂帆處常是聽猿初漢
口故人遠荆門古樹疎茲行獨有詠須寄武昌魚

蔚林州

舊屬蒼梧郡今通南海軍峒中風轉惡嶺外氣全分怪
蟠呼人姓陰蛟吐瘴雲夷歌起樵牧幾度隔墟聞

久雨新霽訪施子羽洞虛道院

迢遞思吾子春晴坐絳紗回風淒徑竹積雨滯林花落

日過仙院吹笙隔紫霞相逢不盡意一倍惜年華

與客夜登開利寺觀鶩亭

野寺寒雲外猶傳晉永和逢君非有約踏月偶相過廢
沼水稜淺荒亭霜氣多懷思倚欄者書罷獨籠鶩

山中晚歸

早從溪上發暮仍溪上歸每共漁樵話莫言儔侶稀高
松延霽景殘日下山扉回眺經行處蒼蒼在翠微

宿莊嚴寺與僧

落日荒江外春風野寺中蓬心無定着萍跡任西東近
墅鶯猶澀繞隄花欲紅惟應把明燭一宿與談空

何御

山南作

小隱依陵數山南良可家一洲環橘柚十里蔭桑麻白
幘欹深醞青鞋獵遠沙倘逢李都尉射虎亦生涯

鄭林二君就北園

僻郡稍無事而多載酒臨雨消秋後瘴雲薄竹間陰紀

會賓朋寡看年鬢髮侵惟君數來往聊慰望鄉心

自東粵歸口號

嬾慢時將棄逢迎世所稱歸與從漢水去矣學於陵鶴
唉聞青野猿吟出紫藤君看山谷士未必盡無能

陸師道

晚過治平寺

脩竹藏精舍香林遶化城窓中九峰秀門外五湖平綠
樹涼雲合丹楓夕照明祇緣山太靜易得感秋聲

嚴訥

對月

良宵不可得清賞詎相違影落山精鏡光寒織女機林
烏驚漠漠花露靜輝輝萬里邊城客防秋正未歸

陸樹聲

圓智寺竹雪房夜坐

疎簷下白露漸氣肅秋威夜靜風鳴鐸門開月上衣幽
人常獨眺宿鳥起還飛此意應誰解冥心更掩扉

董份

秋夜二首

幽居無與晤欲寐復依依正此清秋夜蕭條涼雨兆年華常易促鄉國轉多違惆悵平生意無言獨掩扉

旅中糜歲月景物已蕭森急雨夜方靜無風秋自深浮沈京國意迢遞故園心兀坐寒窓下悠然獨鼓琴

苔雪道中

一放苔溪棹來從田野間黃雲千項稻青靄萬重山秋

草客行路夕陽人閉關悠然看孤鳥飛往復飛還

王崇古

別同鄉諸同年

十載看花侶年來半去留江城憐我別霄漢羨君遊柳暗旗亭道花明禁苑樓征途從此始瞻望不勝愁

何良傅

董紫岡移居

南郭寡塵鞅東林有勝名青山斜枕市綠水曲依城夜

月家家笛春風樹樹鶯結廬心自遠寧復世人情

萬士和

自炎方驛暮宿亦資孔

遠道資人力扶持萬嶺中仗隨徒隸亂輿放僕夫空雲
動嵐移黑霞收樹斂紅祇貪趨館宿未暇泣途窮

何遷

送人守綏德

戎馬猶嚴警旌旃復遠行龍沙知上將燕領本書生樹

引秦川直山連晉水清因君思保障萬里見長城

范惟一

送人之廣東郡幕

春杪都門道清尊送客行一官趨郡幕萬里是王程瘴
嶺排雲入蠻煙入市生回看鄉國樹黯黯正含情

龍華廢寺

雁塔猶初地龍華半劫灰棟虛雲氣隱簷滿日光來馴
鴟羣迎客香花亂點苔還憐杯渡者何日問津回

雷賀

宿郢東驛

策馬驅殘日，開軒候晚風。
鳥迴雲夢壯，花發石城東。
況重來減風光，別後同幾番。
經夙夜，身世歎飄蓬。

御選明詩卷五十七



總校官庶吉士臣侍朝
校對官檢討臣蕭九成
謄錄舉人臣張昱